

書名 祝氏集略八卷 嘉靖三十六年序刊本
撰者 明 祝允明 撰
卷 卷三
內容分類 集-別集-明中葉
索書號 集部-別集-7-18-1
編號 D7425800



彩色首頁1

東洋文化研究所漢籍目錄 編號: D7425800
東洋文化研究所漢籍目錄所藏漢籍善本文影像資料庫 索書號: 集部 別集-7-18-1
漢籍善本文影像資料庫文本 祝氏集略八卷 嘉靖三十六年序刊本
版權所有: 東京大學 東洋文化研究所
使用上的注意事項

祝氏集略卷第一

騷賦

大游賦


允明以宇宙之道於我而止矣渾鴻包之萬象條之
五肇構于其先宣尼總齊于其後君建為極臣成
為士治為學民遵為世隨其時也易曰拘係之乃
之王用亨于西山允明時不自立身名隨人拘
老而神明中亮問學外廣有無之際三五宣尼
益嘗冥訪其間焉斯用亨之利也暇日叙之
賦可以垂語千載焉爾



祝氏集略卷第一

東方文化學院東京研究所

No. 1688





東晉書 祝氏集畧卷第三

研庚辰
圖書


樂府

從軍行

腰刀把首報君恩
初事將軍出雁門
回首家鄉無限
意秋風吹上五陵原

前緩聲歌

瑤川遵穆晏汾水從軒游
玄王啓靈會道官亦交酬
蒼禽咲金支瓊鸞翥絳幘
靈賓曼韻石子登引空謳
聖日麗萬舞祥吹振清球
川后迎皓蜺波臣趨翠虬
湘姬偶瑤席巫女行玉羞
天老獻秘文聖年無時秋



董嬌嬈

京洛何迢迢紫衢通麗譙采桑誰氏子不解意飄搖
強腕折高枝卑指攬柔條詎知枯殘日不愛被穠朝
何當華堂上麗瑟歌此謠此謠固君情不移芳與彫
吾將持贈子聞是董嬌嬈

盧姬曲

盧姬貌似月復有伎如雲青絲覆鸞額歌舞漢宮春
參差銅臺上宛轉受恩頻君不見太祖會殺聲清人
復留妙妓西陵裏盧姬幸不爲冤鬼爲名嫁人范
矣人生行迹自有時莫以遲速歎盧姬

邯鄲才人嫁爲厮養卒婦

高下理有定金房湏玉骨不解理有異漢月亦胡沒
昔爲錦綺叢今爲蕉萃窟嬌卧鄰皂芻夜半聞馬齧
遥夢趙王宮盈盈望秋月

隴頭樹

隴頭多嘉樹君持作梁柱清晨覆賓相白日抱歌舞
哀哉北邙麓日日聽人哭

驄馬驅

驄馬紫游韁光輝照洛陽朝辭上林苑晚入鬪鷄坊
無因道千里城邑少豺狼

關山月

明月度關山中天照胡漢十萬良家子嫖姚甲待旦
胡兒秋牧馬天子曉射雁亦有王明君獨抱穹廬歎

雉子班

雉子班何壯不顧女來語啄班班吾不如絞頸谷中
班班何班班何

天馬來

天馬萬里來天閑缺一開天馬入群馬辟立視天
長安亦有苜蓿食飽天子德天馬天馬在宛野

隴頭水

流水出隴頭白石亂高樹四海遠深淵原泉日夜注
不見人物景獨向東流去

吳趨

閶闔紅樓起臯橋淥水迴綺羅搖日麗車馬逐雲來
施旦非吳艷機雲是晉才欲歌遺古調風俗轉堪哀

柳枝六首

夾汴春來千萬枝綠陰隨處縛金羈殷勤休負東風
意曾把青芽細細吹

紫泉宮外曉煙和萬綠條含太液波只有帝家春色
好爭禁人世別離多

樹猶如此我何堪長笑殷郎氣不男若見女兒腰十
五一生蹤跡只江潭

隋家蕭后解傷春內苑親栽幾樹新入虜歸唐春漸
老美人思樹樹思人

白家只說舞腰肢不把紅妝鬪翠眉贏得美人憐又
妬一時都不愛花枝

營門只阻羽葆幢爭似連雲蔭漕艘護國清風四千
里百年人說老平江

林鳥 二首

無柰恩情密臨別自依依思君如林鳥同宿不同飛

與君如林鳥暫聚還長離得夜乃共宿入明不同飛

古調

泰風

泰風做時也歲律默遷夕飈做物起坐多念歌以永
言

灑商回秋泰風薄宵衝堂襲帷其音蕭蕭 蛭咽鳥

棲蟋蟀試吟豈無憂欣以耿遐襟 肖形聲氣亦有

裳衣無作我羞朝日將暉 昔之撫景鮮驩薄游今

之撫辰力弗及脩 五十無聞先師無畏無曰其遲

其日如駛 皇序邁代漫漫百年天之將旦無然爰

爰

詩 五首

巍巍大山高瀾瀾長河流人生百歲間有樂亦有憂
葱葱陵上槿朝華夕已休俶載向南畝歲乃亦有秋
少壯在努力老大且偃息偃息安此生此生須有成
努力不在少老死終無名

滔滔川上水冪冪隄邊草行行遠方客歷歷山下道
道遠行易疲白日坐已馳無憂白日暮祗恐嚴霜垂
日暮行復朝嚴霜草以彫

中谷有道士顏色常鮮好被以松栢葉啖以靈藥草
守氣存谷神後天可難老授我鴻素書相期青雲表
衆人不盡聞安能不枯槁神農遺世經穀食烝民寶
物生天地中萬形同一鈞小大各自齊聚散常相因
高岸忽爲谷滄海亦飛塵弱質非金石誰能獨久存
生世六七十永者僅百年相去幾何許等死焉足論
仙人莊子休爲君頗開陳

天天南國子聲伎妙入神審音類子野歌舞傾都闈
城邑不足留引領奉韶鈞浮雲翳廣路且與閭里親
倡家日還往哇淫累其真簡兮前上處謂言不足珍
樂府久隔絕繫籍猶相因嘯訶且自樂亦以共嘉賓

雜詩

鳳凰執聖符有道乃來儀白鶴抱仙姿俗士每羨之
棲啄非梧竹腥穢苟羈縻鳶戾與鷹摯性在哺雛雌
翩翩遵渚雁噉噉鳴聲悲青冥一舉翼萬里乃通岐
潔食荻中粟渴飲清川湄孤翔無亂偶高風羞詭隨

述行言情詩五十首

其一

昔受皇靈命結此軒竒姿一從辭劍璞雅負遂參差
英光沒騰越皓素變爲緇茲辰起遙想椎鑿倘還施
但恐時日促璋琥竟無期乃知萬物貴治琢當及時

其二

大鈞鼓群有黃祗効成物流形隨風氣結性亦殊律
吾生托燕冀抱稟愧沉鬱返茲寬柔方茹和克疆偏
所耻非平康徒勝此迴屈

其三

結髮屬偶句舞勺肆篇章前徵昭羊叔髦譽追滕王
明明內外祖公望張辟疆提劍多教術童弱企高翔
安知三紀後栖栖守榆枋

其四

蒼姬建鴻曆祝丘肇遙封豐稊託后穰疏條鬯周通

九江樹崇議司徒奮皇庸信枯爛材器闔建扇遐風
淵淵都漕君起官來南江雄畧絕類群宏圖奠茲邦
五子粲馬寶載以闢吾宗

其五

曾祖抱至德天倪以和神善閉本無捷泯耀沒見聞
辟時遁朱鬢傾否逢皇運微情委塞聰遵養晦衡門
洪源浚且潄大川乃雄犇

其六

赫赫惟王父自天擁英休完德奠瑚璉大積苞墳丘
敷言對清問獻納襄王猷宅憂秉大防景泰初公居憂詔奪上請起

任戎務公執禮典不應

旬宣向閩州冀方猶虞岳懋緯騰諸僊

懸車耳順歲高烈方弼彪

其七

公有高明居安老亦畜小時從息經笥偃仰思至道
繁英藹修榮高簡枕不藻周羅千載語竹素光耀耀
憶跪聽公詔拜此濟生寶縣非躡短階昏日恣尋討

其八

先人備百行為仁乃其甚至誠動萬物大孝敷弘規
慈愛無等倫日月洞肝脾豈惟天止性在三道兼師
母氏既聖善孝敬極壺彝坤儀絕振古直當任妣期

煦乳疇載間春秋望翔馳

其九

七世美仁里八葉通德門五教植本始百行郁華文
仁義日可見金玉作庸言鷄鳴繩準出舉足宮徵存
厚趾靡顛丘長津從冽原何為末受者卑垢辱華先

其十

高閔衆祥集泰日百美具豐屋陵飛霄崇樓臨大路
高齋敞華器芳皋羅嘉樹良疇經邇郭麗舫汎妍淑
紳杖旦日臨星曜時夕聚群公鬯威儀百彥盡能賦
書恣讎核琴瑟鏗在御崇議每徵今幽求競稽古

卮言藹蘭馥雄辯激水怒觴詠富章什絃吹暢情素
西園繼清夜何愁白日暮

其十一

泰否冥幹運小大互來徃童齡何讐戾忽使墮毒枉
焉知循陔慶遄成陟屺望萬生皆有終逆質胡不喪

其十二

大憂纏弱衷意氣盡荒漠向未遨長衢中路履綦錯
零霰殺翹榮朱光就淒薄辰邁萃華滋運消易零落

其十三

人理有太合太合及茲辰東楚當星戶建辰虹梁就

鳥津彼其行結恍予亦御周輪從雲來粲者粲醴合
良人永始承遙緒昌圖啓後珍嘽嘽山河誓與子並
千春

其十四

執業稟公訓士節謹干祿力脩貴潛蘊進達戒征逐
踰冠聞有司察業就甄錄校考既充賦膠序且餼育
其十五

人生有窮慘大化當極否偏感適三月凶割降重累
鉅痛深故創沈寃等墮海人生覆無天云胡不遄死
其十六

六極兼弱貧百罹萃凶孤素薄綜物懷坐爲鄙人
倉箱既涼匱米鹽務錙銖自持倚桐姿埋沈向泥塗
其十七

讀禮訖祥禫試琴成笙歌丘墳肆畋狩志行窮琢磨
天人貫羸微昔今紛網羅大道彌宇宙眇薄將如何
其十八

先人有高樓遺我端居室幸無喪志物塞楹簡編集
皇王植丕訓子氏張萬術閉關斷來鞅庶以究昕夕
其十九

學聚勤殖藏息游解紆結寬原或流衍激泉共甘冽

攀條采碩果循畦屏衰葉幽禽答遐韻候蟲依氣節
芳靄蒙晨榮明輝揚夕月拔時附絕駕塞允謝塵轍
其二十

服膺從聖軌厲志尊前聞敦厚覓砥道高明抗浮雲
玄元極三古躋通窮八垠焉能爲栖栖揜抑斥鷃群

其二十一

老聃貴知希莊周識齊物山淵故應平精象藏
因知在矢溺居然返冥極安知臨牢豕終爲

其二十二

昔在杖膝下拊頂稱佳兒珠鳳已駭文

所企自有立名位豈足期自從勝簪弁顛躋逢百
握志壯室餘薦名僅鄉司逸足遠市肆永媿英賢規
其二十三

浮名雖或就夙尚乃彌堅漆雕有風期恒虞終邈然
英游並彙征予猶畏爭騫茲辰更不伸蚺虺盤黃泉
因知隨時義聖謨固昭然

其二十四

戔戔抱微稟自擬猶萍蓬企瞻先哲民終羞絕羅松
追隨不越群胡足爲不同何爲蕩蕩世亦復此不容
無悶見君子先師嘗發矇平平王道間萬厲頽交攻

苟無反躬術何以禦諸兇皇仁卒全物莫高匪玄穹
其二十五

斯人各有尚沉潛與高明伊予獨坦蕩未解懷戚營
既不畢狂狷安得遂中行所睹恒廓如萬有通一平
泰蒿輜如毛瞳眴已千齡不知要其終得喪將焉徵
其二十六

同人貴郊野氣度本惡狹出入州閭間清濁且參夾
無衰桑梓敬幸共粉榆洽鳥獸不可群非人其誰狎
其二十七

大儀靡停運百生豈淹息麗天星漢度附地蟲鳥

把策詣有司五往五見黜巖棲豈無尚塵託病多役
錢刀壞心氣霜露損毛質蕉萃勿復言流塵蒙白壁
其二十八

陳根託九壤材樸各能蕃剝果存孤碩微稊僅不殘
芄芄萬植中吾獨妬其艱空務封沃勤柯條竟䟽單
其二十九

䟽單勿復道幸抱此高襟妙鑑旣弘照大車亦雄任
如何覆載洪行迹復淹沉孤征即長道纏綿荆莽侵
焉能不跼踏日月坐以深
其三十

績勲惟在力獲應非緣劬每當紛紜間儵忽發靈虛
皇樞一納牖神明隨固如其來眇亡岐頌史充九區
猶操獨繭綸一引盈車魚又若陟春園萬榮一時敷
研覈皆可食百實皆甘腴由來自不識祇覺本所儲

其三十一

岐路紛百慮三十尚擇術規空際無象踐迹室寸尺
先師有遺集四十廼不惑冰鑑端服膺物貌詎纖忒
交衢紛紛總總大路遵有一皇皇孔氏程聖愚乃同則

其三十二

萬里蓋東魯群空乃西來餘子騁千塗憧憧何取材

學聚蔽穹壤白紛無遺哀熱然對今古至樂不自裁

其三十三

百代爲宇宙升降成興衰興衰極變化忽已邁茲期
方策布群賢建躬各隨時森羅丙法戒所在吾有師

其三十四

有師蒙獲富君子貴爲已每求同若人力勇由知耻
周身飭百行建節廣綱紀任重扛九鼎致遠道千里
細德未足論大榦敢摧靡丈夫生所期恒存在後死

其三十五

明王方御寓世才乃徵庸禮樂建皇極風猷歸大中

亭育茂登殖聲名粲光融卑高百有位道術何終窮
其三十六

仲生能樂志夷吾性善養恣任總勿闕道林胡偃仰
名都富雄第山池半邑黨崇麗摩浮雲瓊筵日弘敞
水陸窮羅羞歌鍾沸繁響妙伎逾二肆游童列彌董
畢性聲色中麟臺進功賞

其三十七

素無經世懷學仕本先訓終然拙枘鑿株木醫久困
渾玄當有期或合阮君遜元龜幸垂兆長往乃無悶
其三十八

築舍負崇巘高卑綠秀林翠嶺絢晨暉丹崖麗夕陰
入坐交飛英當窓語幽禽山人適云覲寫性將清琴
郊居賦旣就白醪亦可斟循麓看時藝桑麻長方深
未必談名理歡暢已彌襟

其三十九

檠榆樊石扉坳垣卑四周前楹舒廣場後宇環澄流
微淪帶山趾半覆花竹幽長夏且游浴高蔭終日休
豈必商丘開點爾聊同游

其四十

清晨風候淑引策出郊郭青黃交遠疇循澣桑沃若

白雲被華岑飛澗濯幽壑汎眺思累新冥會神逾廓
命儔賞已豪孤尋寂倍樂

其四十一

雅尚窮闕覽邇蹤愧卑纏卧游空能賦道觀多歷年
終南華岳接峨眉太白連九疑元無地太行非有天
岱宗日華浴祝融星漢懸朝飧赤城霞夕拂匡廬煙
洪河春裂壤橫江秋勁弦因過洞庭水自擢瀟湘船
東海本吾宅太湖襟烏前龍宮多寶藥洞穴鎖禹編
靈期似當值旦暮相付傳

其四十二

驅車出衡門薄游覽九州東征畧瀛海西陟升昆丘
冠巾岱華竦襟帶江河流驗蹟章亥趾裁貢禹王疇
汎觀山海圖遐尋府穴幽八維何所極撮土此可求

其四十三

璇穹積重霄廻運迅不停曜靈爍神燭望舒循九行
三垣列君臣萬緯流物形河漢夜半轉四時各財成
靈憲炳乾文至精存吾徵

其四十四

萬齡同一域千哲共此契遙邇幸相聞師友丈室內
行止每討論音辭時賡載單躬事百賢其益故宜大

其四十五

遙賢故懷益密哲重應欽四海三數君垂眷後先深
年位非所限存沒或殊今淵淵玄酒味粲粲瑤華音
懷哉以拜嘉畢世銘卑襟

其四十六

仲尼欲無言六籍終亦呈林藹向春敷有喙隨風鳴
齋房坐清晏文言時有成左生潤瑚珮莊周厲風霆
二漢隆體骨六代繁丹青至哉統其全周後惟唐聲
山鷄且自愛蠅辯方營營

其四十七

學優在用行時舍乃含章士業豈空言斯世存維綱
脩政用熙載樹禮爲周防生養蕃卯胎芟夷謝蕭蘘
文思翊無爲樂聲薦登康本末有宏模千目森鋪張
褐襟衷短簡可布亦可藏

其四十八

至道極心性域外有真覺曠生幸聞脩瞽辯豈喧較
萬變終不繆吾自了滅樂

其四十九

鳳鳥不世見四海以德稱虎豹伏深山雄鷲乃馳名
日月遍經天夕伏亦沈冥目趾待成功誰不仰其明

所以孔仲尼君子疾無聲嗟予蹇淹留閉戶乃浮名
高卑共彰徹近遠均一鳴惟憂邦必聞求之無其情

其五十

六籍統宇宙七緯鍵天人百子錯町畛萬家騰煙雲
眇眇予日接泳洽如淵鱗冥蒙日思道粲發時搗文
紛綸向一貫光彩摩三辰向來覺性言寂寞難重陳
至樂終百年與爾同埃塵

金蘭操二首

初趙魏公子昂與先總管友善游吳輒就
館嘗為總管泥金寫蘭二本祭酒胡文穆
公為先參政題二楚聲允明
保之復綴二琴聲以語兒孫

金蘭之猗猗兮寫我心以貽兮聊與子同歸兮

兩公閑閑兮貽我金蘭兮金蘭也且閑閑也且

和陶淵明飲酒二十首

僕本拙訥繆干時名兩年之間三謁京國游趣旣勸
風埃黯然舟中有二蘇和陶詩夜燈獨酌讀其飲酒
二十篇不勝悵慨聊復倚和

昔者病斯世庸人常擾之百物安大化甚似垂裳時
袞袞元化中吾生託於茲學道三十年今辰聊寡疑
願言戒迷塗靈臺亦有持

明時耻韞玉抱策下丘山所獻幾何許腐義數千言

有司繆甄錄一出踰十年身世無一補何物期自傳
士生三代後干名本其情所歎少可知科版獵空名
二者齊亡之何以爲此生此生幸長存得失何復驚
陶公但飲酒千載名自成

大鯤本淵潛化形亦天飛截鶴續鳧脛二物均爲悲
日月繞玄度萬象各有依天地會有終脩短同一歸
吾生向妍華何惜此日衰有酒不解飲而問彼從違
大道本一致無問寂與喧每有希夷時不見耳目偏
逝水喜東流浮雲忘故山美人隔秋風涉江耻空還
且莫或遇之莊周有遺言

客來相話言言多非與是問我誰適從我不識譽毀
幸客來相過惟能默飲爾隨意翻瓦盆不解彈綠綺
秋霜瘁榮木春露華槁英逝者不能已愛憎誰爲情
吾生四十年強半居歆傾不知誰爲之孰爲相號鳴
局促百年內安足稱達生

鳳鳥有五文不共群禽姿言欲覽德輝來下梧桐枝
文采衆愛惜云是應世竒廷無簫韶儀好文空言爲
恐終返天山逝難風塵羈

世事不可極遇酒意自開寬然處百年亦有幾好懷
吾駕無迴轅何適亦何乖夫子惟天行微生病栖栖

孺子濯以清屈公渥其泥幸此杯中物與我多合諧
醉中態多亂真抱自不迷皇唐事悠然古意暫可回
回首望鄉井宵在東南隅倦鳥不出林胡爲涉川塗
冬半多北風疲馬不柰驅昔行氣長健茲來感有餘
園田苟可治豈不懷安居

長愧先師言憂貧不憂道勞辛救寒饑容體易枯老
自從強年來頗不患衰槁翕翕電影間英姣亦何好
澹然無得喪恐有身外寶靈龜不朶頤乃活歲月表
吾足如轉蓬遇風無停時節候迭代序常與家室辭
三歲凡五出別離復在茲行止豈有津誰爲我稽疑

不若巢中禽乃免霜霰欺天運實爲爾通塞任所之
嘗喜陳圖南託世在夢境亦有阮步兵六旬且一醒
神解與辟世此意在各領汨汨糟醅間少復此冥顛
哀哉羊皮人方彼燿虎炳

四十不擬老老狀日已至飲量復減昔三飲已復醉
詩來亦信口甲乙懶排次遐覽天地間何物如我貴
所恨每自喪長失本然味

所乏百畝田亦須五畝宅居食少給躬何復世上跡
一身自賓主一日足抵百知我不暫舍舉眼天日白
默然便歸化亦復何足惜

安世至此日世紛亦已經莊周不畏煩爲人校虧成
五岳屹常居四序乃遷更微子爲之奴箕子出門庭
誰能外闔闢妄動樞機鳴密雲自西郊蕩蕩周文情
然燭能爲月搖翬能爲風手有造化能身在造化中
順時以道用天人乃相通如何負折鼎而欲求張弓
青天恒高高欲上不可得文成食馬肝漢武知復惑
狂念如推瀾滔天不容塞坐此弊其驅亦復幾喪國
吾有升天方難言姑緘默

卜商有遺言學而優則仕學旣非爲人仕復寧爲己
有玉求賈沽無道穀亦耻仰瞻夔龍朝俯愧蓬蒿里
駟駿饒二毛行行入四紀馬逸駕可要風回楫湏止
爾無操御中顛覆何所恃

二儀不翻覆萬生豈無真物情雖馮時中亦含元淳
揚子本清靜啣垢作美新賈生抗高志慷慨爲過秦
其君或唐虞彷彿皋契塵詘已徇一時衰哉違其勤
因知紘紘內心與身自親會湏直躬行大道無迷津
提壺掛舟傍還戴漉酒巾何必訪巢許今古皆斯人

秋懷

時運無長榮清商多悲音悲音一何苦壯士有遠心
蕭蕭風篁亂瑟瑟蚺蜺吟寄言眷萬古託之千霜林

潯陽有餘波涯岸倘能尋

己巳閏九月十三夜夢中爲游山詩

春觀入西岫區名意自別松嵐結幽賞蟲鳥弄餘悅
花氣韻蒼沈樹膚落翠雪天行無塵染丘卧自雲絜
心在道不違未覺萬物裂三爵已餘酣清心寫泉月
春日醉卧戲效太白
春風入芳壺吹出椒蘭香累酌無勸酬頽然倚東牀
山人滿瑤京處處相迎將携手觀大鴻高揖辭虛
生若無夢終世無鴻荒

別唐寅

長河堅冰至北風吹衣涼戶庭不可出送子
握手三數語禮不及壺觴前轅有征夫同行意異
人生豈有定日月亦代明毛裘忽中卷先風欲飛翔
南北各轉首登途勿徊徨

夢作月山獨步歌

不忿白日塵宵賞有靈悅山蹊任襟入不必有昔轍
石淙長寫韻風林時落葉凍狄僵石霜躍鱗觸潭月
山空夜深靜魑鬼時出滅自非返冥極誰能畏城闕

擬傷亂

楚氛望方惡魯戰謨未諧晉糴每多閉秦饑良可哀

三精塞視霧暘雨更爲災巴蜀風塵暝關河士馬來
洪流滅阡陌溝市盈饑骸豈無眠戈誓慷慨擊楫才
夏屋旣漂搖郊壘多崩墮楨榦可相尋松栢亦已摧
天王下制詔仁聲九域開庶幾赳赳客猶上黃金臺
代江南水災謠

天皇毫不事地后虐不仁盡卷天河水淋瀝九州人
九州人食多在江南江南濯沒柰何堪之柰之何人
死無萬數薪絕竈冷無菜煮更那得救與黍遽如許
正龍號挽龍語汝不應吾吾請天公來解謫汝

九愍九首

庚午嗽吳越間民瘼作九愍

溪毛圃芽鮮芳殊吳儂恒食饒嘉蔬今年大饑百年
無百年無柰空腸齧野草同牛羊

大麥青青四尺長大水過頭一尺強安得不托與餒
鯉無餓鯉且自可秧不成苦殺我

四月泔水麥不秋五月插秧水不收良田萬頃盡洪
流盡洪流大無禾民皆死如國何

棟撓室摧墉善崩沈竈產鼃不得烹康衢第席通流
平通流平慕鳴鴉望伯禹懷有巢

饑亡溺亡十二五載降之疫亡亡數誰生厲階令帝

怒令帝怒半為鬼厲階人安富貴

有田莫買只賣屋况有筐箱與巾服妻平子平牽出

鬻牽出鬻汝不肯推溝瀆竟死等

舊乞無幾新乞多吾食不續欲分何汝不吾分越奪

那越奪那乞化偷孱則丐狠則搜

舊田不粒猶征逋新田為淵租未除農來為兵強執

及強執及絕錢縛國無農其何國

官困曠空抽民米富人削瘠貧人死嗟嗟土

只亦勞只荒政難弔吾民嗟吾官

水詩

天兮天不得見水漫地兮地不得踐

兮桑田變神仙老死佛入滅伯禹乘龍仲尼乘筏出

八極兮睨涪淫而不即公無渡河兮公既没婦逐狂

夫與子偕溺青山摧鼇足斷蛟蛇騰拏萬物錯亂厥

初天一兮生水其載與天地兮為終始

沈憤

燭龍奔天衢不照雲下人陽貨盜玉弓仲尼糧絕陳

筆絕春秋成乘桴汎洪淵莫食汨羅魚腸中有靈均

青天上無路黃泉下無門漫漫長夜中萬古齊一塵

知山堂雅集

小山不妨宦中隱從近闕無論車馬色幸共禽魚悅
風泉夕韻夏霜月冬氣潔醒醉齊一襟心賞方茲結

雪後楊禮部邀宴用謝宣成韻分得濁字

季冬雪始降佳氣通歲朔君子良燕會時拓總延擢
揖遜粲賓禮登奏鬯嘉樂蘭薰互霏襲松顏齊卓
遐覽萬物昭無復見黷濁微言共一契所寄在綿

召父歌送朱版曹升之守延平

西北有高山東南有大海生我延平民居中百千
遠在天南頭去 聖人萬里欲得無菑害

聖人念遠人賜我慈父母輟其股肱

子乳我望朱夫子如望漢召父請爲召父歌女知召
父不召父善治田從橫正疆畝始予我錢鎛以及奄
銓艾耦耕并牛犁耜諸種等田功多方理要領在
水利廣開溝門闕處處廣灌溉均水作約束刺石防
決汜劭農走阡陌止舍即野次召父善教人頒訓從
幼艾孝弟正家族勤謹不弛怠趨役赴公事和孫於
社火有稟特秀異使結衿帶佩入學共絃誦學古壯
而仕召父善阜財民產加豐大召父善聽訟無情不
譁喙饑渴召父食寒裸召父被召父善使人隨時各
分代召父善事神水旱不爲厲人口歲增倍訟盜悉

衰止召父去已久循良風聲在惟有朱夫子甚與召
父似凡此召父善朱夫子盡備夫子來母遲百姓日
候伺凡此召父事于今益有賴一一速施行惠我起
我憊上戴 天子恩夫子還入拜願爲公孤貴名與
召父妃

祝氏集畧卷第三

